

Der Santa-Fresser

nach Monika Krautgartner

„Sei doh nit so stur! Man muass oafoch mit da Zeit geh´n.“

„**Muas ma nit!**“

„Du kannst dih doh nit oiwei gegen Neuerungen wehr´n!“

„**Kann ih!**“

„Was war denn, wia´s dir in Zahn ausbiß´n hast bei da Schwart´n vom Schweinsbraten? Da warst froh, dass die Zahnärztin die neierste Computertechnik hat und dir innerhalb von ana Stund wieder an Beißer einigmacht hat in die Giftzahnreih.“

„**Wer sagt dir denn, dass i froh war? Des hat ganz schee wehtan.**“

„Ih versteh schon, du bist bockig auf Prinzip.“

„**Na, bin ih nit und ih bin nit geg´n des Neiche. Aber ma muass ja ah net sofort jed´n neich´n Bledsinn mitmach´n.**“

„So neich is da Weihnachtsmann wirklih nimma! Den kennt inzwisch´n jed´s Kind.“

„**Im Vergleich zum Christkind is er neich!**“

„Ja, aber is er weg´n dem ah gleich schlecht? Was stört di denn so am Weihnachtsmann?“

„**I mag sein bled´s G´sicht net!**


Sein deppert´n rot´n Anzug mog i ah net.

Der schaut aus wia da oide Hausanzug von der Cilli-Tant. Und sei trottelhafte Begrüßung mag ih net.

Außer ho, ho, ho hörst nix von dem Hirni.

I mog´n oafoch net, der g´hört da oafoch net her, der Weihnachtsterrorist, der foaste.

„Wann ma hiaz nachdenk´n, find´t ma vielleicht



doh was, was deine Weihnachtsgefühle
mit'n Weihnachtsmann verbindet.
Die Liebe für Cola vielleicht?

**„Des oanzige, was da Weihnachtsmann und
ih gemeinsam hab´n, is da Bauch.**

**Aber net amoi des stimmt, weil bei ihm is er
ausg´stopft, bei mir is er echt!“**

„Aber er tuat da ja nix!“

**„Doh! Er tuat ma was. Er nimmt ma mei
Christkind. Überoi, wo´sd hinschaust,
santaclauslt´s nur mehr. Ih bleib mein Christkind
treu.**

**Ih bin und bleib in Christkind sei Kind. Da kann
kemma, was wü. Und da Santa mit sein
Rentiergeschwader kann ma samt sein Schlitt´n
den Buckl obirutsch´n!“**

